



**Republika e Kosovës**  
**Republika Kosova-Republic of Kosovo**  
*Qeveria - Vlada - Government*

## **Këshilli i Ministrave për Reformën e Administratës Publike**

---

### **PROCESVERBAL**

**i Mbledhjes së dt. 30 Janar 2015 të**

**Komisionit Ministror të Reformës së Administratës Publike**

Mbledhja e KMRAP është kryesuar nga Z. Mahir Yagcilar, Ministër i Administratës Publike

### **Hyrje dhe miratimi i agjendës**

Mbledhja u hap nga Ministri Yagcilar i cili pasi përshëndeti dhe falënderoi të pranishmit për kontributin e tyre të pa kursyer, kërkoi nga ta për të vazhduar me përkushtim edhe më të madh reformimin e administratës publike, duke theksuar se në këtë periudhë duhet të përqendrohemi edhe më shumë në Reformimin e Administratës Publike. Ministri Yagcilar gjithashtu shpjegoi edhe punën e Komisionit Ministror të Reformës së Administratës Publike i cili më parë ka qenë i emërtuar si Komisioni Ndërminstoror për Reformën e Administratës Publike dhe tash ka ndryshuar për shkak të ngritjes së përgjegjësisë dhe për një efikasitet dhe koordinim më të mirë. Ministri i MAP kërkoi që në këtë takim të aprohet Korniza Strategjike e Reformës së Administratës Publike 2015-2020 dhe Vendimi për themelimin e strukturave përgjegjëse për zbatimin e RAP konform Kornizës Strategjike të RAP.

Gjatë këtij takimi u miratua nga të gjithë anëtarët Korniza Strategjike e Reformës së Administratës Publike 2015-2020 dhe Vendimi për themelimin e strukturave përgjegjëse për zbatimin e RAP konform Kornizës Strategjike të RAP. Gjithashtu sa i përket raportit gjithëpërfshirës të zbatimit të Udhërrëfyesit 2014 u shty për miratim në takimin e radhës në mënyrë që anëtarët e KMRAP të kenë kohë më të madhe në dispozicion dhe ta shikojnë dokumentin në mënyrë më të detajuar pasi në këtë takim ishin prezent edhe disa anëtarë të rinj të KMRAP të cilët janë zgjedhur si Ministra të rinj në kabinetin qeveritar dhe nuk kanë pasur edhe shumë njohuri lidhur me funksionimin e ish-KNRAP dhe tash KMRAP.

Në vazhdim fjalën e mori ministrja e MTI-së znj. Hykmete Bajrami e cila e ngriti si çështje shumë të rëndësishme RAP për Republikën e Kosovës dhe potencoi se RAP i kalon interesat

partiake apo individuale të gjithsecilit dhe theksoj se ne duhet te angazhohemi shumë që RAP të ndodhë në realitet mirëpo theksoj faktin se në Ministrinë që ajo udhëheq MTI ka shumë paqartësi rreth organizimit te brendshëm të kësaj Ministrie ku kanë ndodhur edhe shkelje ligjore me shndërrimin e Divizioneve në Departamente ose Departamentit ne Agjenci dhe atë pa ndonjë bazë ligjore duke theksuar faktin se janë te iniciuara 36 raste të ankesave në KPMSHCK nga zyrtarë të ndryshëm dhe rastet janë fituar nga paditësit kurse ne anën tjetër i është shuar vendi i punës dhe kemi probleme serioze lidhur me këtë çështje dhe kërkoj edhe ndihmën e MAP-së për ti zgjidhur këto çështje.

Po ashtu, në këtë takim fjalën e mori Z. Mustafa U.D i DMRAP i cili ju sqaroj të pranishmëve lidhur me ri-dizajnimin që ka ndodhur dhe si është formuar KMRAP si dhe ofroj sqarime shtesë lidhur me opsionet e mundshme për Kornizën Strategjike të Reformës së Administratës Publike 2015-2020. Po ashtu së bashku me Ministrin e MAP theksuan arsyet e tyre se pse mbështesin opsionin të dytë të kornizës pasi që ky opsion jep mundësi për përgjegjësi dhe koordinim më të madh ndërmjet akterëve të involvuar në RAP.

Po ashtu ai potencoj se Komisioni Evropian përmes programimit të IPA-s është duke mbështetur projektin për RAP në vlerë prej 3.5 milion euro dhe ne duhet të punojmë në mënyrë që mos ta humbim këtë donacion sepse deri në fund të marsit duhet të dalim me rezultate konkrete lidhur me qasjen tonë në RAP në fushën e shërbimeve dhe burimeve njerëzore për 2015-2020, prandaj edhe e kupton insistimin e Ministrit të MAP për nevojën që në këtë takim të aprovohet Korniza Strategjike e Reformës së Administratës Publike 2015-2020 dhe Vendimi për themelimin e strukturave përgjegjëse për zbatimin e RAP konform Kornizës Strategjike të RAP .

Në vazhdim, zëvendës Ministri i MAPL-së z. Bajram Gecaj theksoj se nuk është shumë i informuar lidhur me procesin e deritanishëm të RAP mirëpo kërkoj që materialet të shpërndahen më herët dhe gjithashtu nëse ka probleme të tilla sikurse i potencoj Ministria Hykmete Bajrami nga MTI të eliminohen këto probleme dhe të ketë kujdes më të shtuar në të ardhmen.

Pas kësaj fjalën e mori Sekretari i Përgjithshëm i ZKM-së i z. Fitimi Krasniqi i cili potencoj se këto probleme qëndrojnë më së shumti në MTI ndërsa gjendja në Ministrinë tjera është e mirë.

### **Pjesa përfundimtare e takimit**

Në vazhdim të takimit, Ministri Yagcilar i falënderoi të pranishmit për punën dhe angazhimin e tyre në procesin e reformës së administratës publike e në veçanti ekspertët e SIGMA-së lidhur me mbështetjen në koordinimin dhe menaxhimin e reformës së administratës publike. Gjithashtu, Ministri Yagcilar theksoi se ne jemi të hapur për ndryshime dhe për të qenë të suksesshëm në këtë proces presin edhe bashkëpunim më të madh edhe nga akterët tjerë të involvuar në RAP.

### ***Konkluzionet***

Konkluzionet e përgjithshme të dala nga ky takim janë:

- (1) Miratohet Korniza Strategjike e Reformës së Administratës Publike 2015-2020 dhe Vendimi për themelimin e strukturave përgjegjëse për zbatimin e RAP konform Kornizës Strategjike të RAP.
- (2) Raporti mbi zbatimin e Udhërrëfyesin për Reformën e Administratës Publike të vitit 2014 të miratohet në takimin e ardhshëm.
- (3) DMRAP të shpërndajë materialet me kohë tek anëtarët e KMRAP në mënyrë që anëtarët e KMRAP të kenë më shumë kohë për ti lexuar dhe përgatitur për takim.

### **Pjesëmarrës:**

#### Anëtarë të KMRAP

1. z. Mahir Yagcilar, ministër MAP
2. z. Bajram Gecaj, zv. ministër MAPL
3. Znj. Hykmete Bajrami, ministre MTI
4. Z. Edon Myftari, këshilltar i Kryeministrit

#### Pjesëmarrës të tjerë:

Valentina Hamza, këshilltare e ministrit (MIE)  
Fitim Krasniqi, SP (ZKM)  
Fitim Sadiku, SP (MAP)  
Naim Baftiu, SP (MF)  
Fatos Mustafa, u.d. drejtor DMRAP (MAP)  
Skender Sallauka (MAP)  
Ebru Zborca (MAP)  
Birsan Shufta (MAP)  
Ibadete Mehmeti (MAP)  
Gafurr Hasani (MAP)  
Driton Blakçori (MAP)  
Visar Xani (MAP)  
Keit Kasemets (OECD/SIGMA)  
Albina Duraku Nura (KE)

### **Aneks:**

Këtij procesverballi i bashkëngjitet edhe agjenda e takimit.

.....  
Sekretariati i KMRAP

## **AGJENDA**

**30 Janar 2015**

### **Këshilli i Ministrave për Reformën e Administratës Publike (KMRAP)**

**30 janar 2015**

**Vendi:** Ndërtesa e Qeverisë, Salla P-37

#### **Rendi i ditës**

- |                      |   |
|----------------------|---|
| <b>09.00 - 09.10</b> | <b>Fjala hyrëse</b><br>Z. Mahir Yagcilar, Ministër i Administratës Publike<br>- Kryesues i Këshillit të Ministrave për RAP  |
| <b>09.10 – 10.30</b> | <b>Përmbledhje e procesit të Reformës së Administratës Publike në Kosovë</b> (Ministri i MAP-së)<br>- <i>Diskutim</i>   |
| <b>10:30 – 10:50</b> | <b>Përcaktimi i Kornizës Strategjike të Reformës së Administratës Publike 2015 – 2020</b> (Ministri i MAP-së)<br>- <i>Diskutim</i>                                  |
| <b>10:50 – 11:00</b> | <b>Miratimi i Vendimit për themelimin e strukturave përgjegjëse për zbatimin e RAP konform Kornizës Strategjike të RAP</b> (Ministri i MAP-së)<br>- <i>Diskutim</i> |
| <b>11:00 – 11:10</b> | <b>Aprovimi i Raportit gjithëpërfshirës të zbatimit të Udhërrëfyesit 2014</b> (Ministri i MAP-së)<br>- <i>Diskutim</i>  |